

Skýrsla stjórnar Vísindasjóðs Krabbameinsfélags Íslands til stjórnar Krabbameinsfélags Íslands um starfsárið 2019

Inngangur: Vísindasjóður Krabbameinsfélags Íslands var stofnaður 16. desember 2015 af Krabbameinsfélagi Íslands og aðildarfélögum þess auk þess sem inn í sjóðinn runnu Sjóður Kristínar Björnsdóttur fyrrverandi starfsmanns Sameinuðu þjóðanna og Minningarsjóður Ingibjargar Guðjónsdóttur Johnson. Heildarstofnfé sjóðsins var 254,6 milljónir króna.

Tilgangur: Samkvæmt stofnskrá er tilgangur sjóðsins að efla íslenskar vísindarannsóknir á krabbameinum, m.a. með því að styrkja með fjárframlögum rannsóknir á orsökum krabbameina, forvörnum, meðferð og lífs-gæðum sjúklinga.

Stjórn: Stjórn Vísindasjóðs Krabbameinsfélags Íslands skipa sjö einstaklingar, tilnefndir til tveggja ára í senn af stjórn Krabbameinsfélags Íslands, og fimm til vara. Í stjórn sjóðsins árið 2019 sátu Sigríður Gunnarsdóttir formaður, Magnús Karl Magnússon, varaformaður, Guðbjörg Edda Eggertsdóttir, Hermann Eyjólfsson, Magnús Pétursson, Sigurður B. Stefánsson og Tinna Laufey Ásgeirsdóttir. Varamenn voru Anna Kristín Jónsdóttir, Ásgerður Sverrisdóttir, Guðrún Sigurjónsdóttir, Salvör Nordal og Þorkell Guðjónsson.

Fundir: Stjórnin hélt þrjá fundi á árinu 2019, 28. janúar, 8. apríl og 28. nóvember. Á janúarfundinum var uppleggið fyrir umsóknir í sjóðinn ákveðið, á aprílfundinum var ársreikningur sjóðsins samþykktur, fjallað um styrkumsóknir og teknar ákvarðanir um úthlutun úr sjóðnum, á nóvemberfundinum var farið yfir fjárfestingarstefnu sjóðs og skipun í sjóðsstjórn og fjallað um fyrirhugaðar breytingar á starfsreglum stjórnar og skipulagsskrá sjóðs. Að auki fundaði formaður með framkvæmdastjóra KÍ og stjórnarformanni KÍ þann 1. nóvember. Þar var farið yfir mönnun sjóðsstjórnar, hlutverk varastjórnar og fyrirhugaðar breytingar á skipulagsskrá sjóðs. Birna Þórisdóttir var starfsmaður sjóðsins.

Fjármál: Ársreikningur sjóðsins, dags. af endurskoðanda 14. maí 2020, var staðfestur og undirritaður af stjórn sjóðsins þann 5. maí 2020. Starfsmenn Krabbameinsfélags Íslands annast fjárhagslega umsýslu sjóðsins í samræmi við fjárfestingarstefnu hans.

Styrkumsóknir: Samkvæmt stofnskrá sjóðsins skal stjórn sjóðsins auglýsa eftir umsóknum um styrki í byrjun febrúar ár hvert og annast styrkveitingar úr sjóðnum að fenginni umsögn Vísindaráðs Krabbameinsfélags Íslands. Hlutverk Vísindaráðsins er að leggja mat á gæði umsókna, færni rannsakenda o.fl. samkvæmt nánari fyrirmælum í úthlutunarreglum sjóðsstjórnar. Í samræmi við þetta var í byrjun febrúar 2019 auglýst eftir umsóknum um styrki úr sjóðnum. Alls bárust 18 umsóknir að upphæð 104 milljónum króna. Vísindaráð Krabbameinsfélagsins fór yfir umsóknirnar og ritaði umsögn um hverja umsókn. Stjórn Vísindasjóðsins fór í kjölfarið yfir allar umsóknir, umsagnir og tillögur Vísindaráðsins og tók ákvörðun um úthlutun úr sjóðnum á fundi sínum 8. apríl 2019.

Úthlutun styrkja: Samkvæmt stofnskrá sjóðsins hefur sjóðsstjórn árlega til ráðstöfunar tekjur sjóðsins á liðnu starfsári auk þess sem sjóðsstjórn er heimilt að verja allt að 10% af höfuðstól sjóðsins til styrkveitinga. Þeir fjármunir sem ekki eru nýttir til styrkveitinga eru lausir til ráðstöfunar næsta ár. Höfuðstóll laus til styrkveitinga í árslok 2018 var 122,6 milljónir króna, skv. endurskoðuðum ársreikningi. Að fenginni umsögn Vísindaráðsins og í kjölfar mats á fyrirliggjandi umsóknum var ákveðið að styrkja þau rannsóknarverkefni sem Vísindaráð mat í hæstu gæðaflokkum, í samræmi við úthlutunarreglur sjóðsins. Niðurstaða stjórnar Vísindasjóðs

Krabbameinsfélagsins var að úthluta 60,3 milljónum króna til 12 rannsóknarverkefna. Um var að ræða fjölbreytt verkefni, sem falla vel að tilgangi sjóðsins. Styrkirir voru afhentir 10. maí 2019.

Styrkir úr Vísindasjóði Krabbameinsfélags Íslands árið 2019:

Andri Steinþór Björnsson hlaut 7.442.000 kr. styrk fyrir verkefnið *Áhrif skimunar fyrir forstigi mergæxlis á andlega heilsu.*

Ágúst Ingi Ágústsson hlaut 1.170.000 kr. styrk fyrir verkefnið *Þátttaka í skimun fyrir leghálskrabbameini á Íslandi: Geta textaskilaboð (sms) aukið þátttöku kvenna?*

Birna Baldursdóttir hlaut 4.360.000 kr. styrk fyrir verkefnið *Prófun á gagnvirku ákvörðunartæki sem aðstoðar karlmenn, sem greinst hafa með staðbundið blöðruhálskirtilskrabbamein, við ákvarðanatöku um meðferðarleið.*

Erna Magnúsdóttir hlaut 10.000.000 kr. styrk fyrir verkefnið *Sameindaferlar að baki BLIMP1 og EZH2 miðlaðri lifun í Waldenströmsæxlum.*

Guðrún Valdimarsdóttir hlaut 6.450.000 kr. styrk fyrir verkefnið *Samspil TGF-beta-boðleiðarinnar og Thrombospondin-1, áhrif á samskipti æðapels- og brjóstakrabbameinsfruma.*

Gunnhildur Ásta Traustadóttir hlaut 2.500.000 kr. styrk fyrir verkefnið *Hlutverk peroxidasin í eðlilegum og illkynja brjóstskirtli.*

Helga M. Ögmundsdóttir hlaut 4.745.000 kr. styrk fyrir verkefnið *Skimun fyrir virkni nýsmíðaðra lífrænna tin og rhodium sambanda gegn krabbameinsfrumum og skilgreining á verkunarmáta.*

Inga Reynisdóttir hlaut 5.000.000 kr. styrk fyrir verkefnið *Aukin tjáning Vacuole Membrane Protein 1 (VMP1) tengist verri horfum sjúklunga með HER2 brjóstakrabbamein.*

Margrét Helga Ögmundsdóttir hlaut 5.000.000 kr. styrk fyrir verkefnið *Hlutverk sjálfsátsgensins ATG7 í þróun krabbameina.*

Rósa Björk Barkardóttir hlaut 4.334.000 kr. styrk fyrir verkefnið *Meinvaldandi áhrif BRCA1 c.4096+3A>G könnuð í frumulíkönnum.*

Stefán Sigurðsson hlaut 6.800.000 kr. styrk fyrir verkefnið *Stökkbreytingar og sviperfðabreytingar í eggjastokka-, eggjaleiðara- og lífhimnukrabbameini, á Íslandi 1989-2013.*

Suzannah. A. Williams hlaut 2.492.889 kr. styrk fyrir verkefnið *Í átt að frjósemisverndun án inngríps fyrir kvenkyns krabbameinssjúklinga: áhrif krabbameinslyfja á eggþú og þróun frjósemisverndandi lyfja.*

Lokaorð: Það er mat stjórnar Vísindasjóðs Krabbameinsfélags Íslands að sjóðurinn hafi skotið styrkari stoðum undir íslenskar rannsóknir á þessu fræðasviði. Umsóknir um styrki úr sjóðnum voru í háum gæðaflokki og því má binda vonir við að niðurstöður þeirra skili árangri í baráttunni gegn krabbameinum, með einum eða öðrum hætti. Í lokin er þökkuð veitt aðstoð Krabbameinsfélags Íslands við starfsemi sjóðsins á starfsárinu 2019. Jafnframt er komið á framfæri þökkum til Vísindaráðs Krabbameinsfélags Íslands, sem skipað er níu öflugum vísindamönnum, og var árið 2019 undir forystu Eiríks Steingrímssonar, en ráðið hefur lagt á sig mikla vinnu við umfjöllun og mat á umsóknum.

Reykjavík, 5. maí 2020



Sigríður Gunnarsdóttir,
formaður stjórnar Vísindasjóðs Krabbameinsfélags Íslands.